


PAPUA NEW GUINEA

PISERIS LO

2 0 0 5





PAPUA NEW GUINEA

PISERIS LO 2005

Dispela buk
Coastal Fisheries Management
and Development Project
na
Secretariat of the Pacific Community,
Fisheries Information Section
i wokim kamap



SPC
Secretariat
of the Pacific
Community

blong
Papua New Guinea
National Fisheries Authority



Secretariat of the Pacific Community Cataloguing-in-publication data

Papua New Guinea piseris lo 2005 / Dispela buk Coastal Fisheries Management and Development Project na Secretariat of the Pacific Community, Fisheries Information Section i wokim kamap

1. Fisheries - Regulations – Papua New Guinea - Handbooks, manuals, etc.
2. Fishes – Size – Papua New Guinea - Handbooks, manuals, etc.
3. Invertebrates – Size – Papua New Guinea - Handbooks, manuals, etc.

I. Title


II. Coastal Fisheries Management and Development Project

III. Secretariat of the Pacific Community, Fisheries Information Section

639.209

AACR2

ISBN 982-00-0134-X



Jipe LeBars i droim piksa blong *Actinopyga lecanora*, *Trochus niloticus* na *Turbo marmoratus*, Les Hata i droim piksa blong *Cheilinus undulatus* na *Cromileptes altivelis* na Rachel O'Shea i droim ol piksa blong *Lutjanus argentimaculatus*, *L. rivulatus* na *L. sebae*, olgeta © SPC.

Ol narapela piksa ikam long buk piksa blong ol kainkain pis, long FAO. Food and Agriculture Organisation blong United Nation i tok orait long yusim dispela ol piksa.

HET TOKTOK BILONG BUK

Pislama	p. 2
Pel oista (Bilak lip na gol lip)	p. 8
Lalai	p. 10
Talvung	p. 12
Kindam	p. 14
Baramandi	p. 18
Laip rip pis bisnis	p. 20
Ol nogut pasin bilong kisim pis	p. 26

Toktok bilong dispela buk

1

As tingting bilong dispela buk em bilong toksave na skulim ol manmeri husat isave painim pis, na long kiliaim tingting bilong ol baia na expota long ol mak bilong liklik na tu ol bikpela pis na ol narapela lo blong kisim pis na ol narapela resos insait long solwara bilong Papua New Guinea (PNG).


Dispela em ino wanpela lo buk, tasol sapos yu laik save mo long ol lo yu ken painim long lo bilong Piseris (Fisheries Management Act) na ol Piseris Menesmen Plen bilong PNG. Dispela ol lo pepa yu ken kisim long National Fisheries Authority (NFA) website: www.fisheries.gov.pg o yu ken rait igo long:

PNG NATIONAL FISHERIES AUTHORITY (NFA)
P.O Box 2016
Port Moresby
National Capital District
Papua New Guinea
Tel: (675) 309 0444
Fax: (675) 320 2060

Olgeta tok save istap insait long dispela buk em i tru long taim ol ibin raitim long Novemba, 2005.



Pislama (beche-de-mer)



2

Ol i save kisim pislama long han long solwara na bihain, ol i kukim, draim na redim long salim na expotim igo long ol ovasis maket. Ol lain long South East Asia igat bikpela laik tumas long baim pislama. Dispela bikpela laik long pislama wantaim ol pasin bilong kisim planti tumas ol pislama insait long sampela kantri long Pasifik na PNG, i wokim NFA i tingting na kamapim strongpela menesmen kontrol long lukluk na skelim pasin bilong kisim pislama insait long PNG

Taim pislama i laik kamapim pikinini, ol man pislama i save rausim wara bilong ol na ol meri pislama tu i save rausim kiau bilong ol long wanpela taim tasol long hap solwara we ol istap long en. Olsem na i mas gat planti pislama i bung wantaim long wanpela hap long wankain taim. Dispela bai wokim na ol pislama bai karim planti pikinini. Long PNG ol pislama i save kamapim pikinini long mun Oktoba igo inap mun Jenueri long nupela yia antap. Planti ol pislama i redi long kamapim pikinini taim ol i kisim 2 pela o 3 pela krismas, tasol sampela narapela kain i ken kamapim pikinini taim ol kisim 1 pela krismas tasol.



Pislama Menesmen Lo

Igat lo aninit long Nesenel Pislama Piseris Menesmen Plen long pasin bilong kisim pislama na redim bilong salim na expotim.

Ol mak we i tambu long kisim Pislama

- Long pes 4 igo inap pes 7, yu ken lukim ol mak bilong pislama istap long Nesenel Pislama Piseris Menesmen Plen.

Ol narapela lo

- Itambu long kisim pislama long namba 1 dei long mun Oktoba igo inap long namba 15 dei blong Jenueri long nupela yia, tasol NFA i ken pasim wok bisnis long pislama sapos namba blong dispela yia i abrusim pinis TAC¹ bipo long namba 1 dei blong mun Oktoba.
- Itambu tru long kisim ol sedentri² enimal olsem pislama, antap long rip insait long solwara long nait wantaim sutlam, lam bensin na galas wantaim ges botol.
- Ol bisnis i save expotim pislama i mas gat laisens NFA i givim long tok oraitim ol long expotim pislama. Ol kampeni na bisnis bilong ol manmeri bilong PNG tasol inap kisim laisens bilong baim na expotim pislama. Na wanwan provins igat mak long hamas laisens ol i ken holim. NFA i ken pinisim na kisim bek laisens sapos papa blong ol laisens i no bihainim gut ol dispela lo.

1. Total Allowable Catch o TAC, em namba bilong pislama we yumi i ken kisim insait long i2 pela mun. NFA i makim dispela namba long wanwan tan hevi. Olgeta provins long PNG igat wanwan TAC.
2. Sedentri enimal olsem pel oista, pislama, lalai na sampela kain rip o kambang em ol enimal bilong solwara we ol ino nap wokobaut o i save wokobaut isi tru.



Pislama liklik mak

Pislama we prais moni i antap

Black teatfish
Holothuria nobilis



liklik mak (laip): 22 cm
(drai): 10 cm

Blackfish
Actinopyga miliaris



liklik mak (laip): 15 cm
(drai): 10 cm

Curryfish
Stichopus hermanni



liklik mak (laip): 25 cm
(drai): 10 cm

Greenfish
Stichopus chloronotus




liklik mak (laip): 20 cm
(drai): 10 cm



Prickly redfish


Thelenota ananas



liklik mak (laip): 25 cm
(drai): 15 cm

Sandfish

Holothuria scabra



liklik mak (laip): 22 cm
(drai): 10 cm

Stonefish

Actinopyga lecanora



liklik mak (laip): 15 cm
(drai): 10 cm

Surf redfish

Actinopyga mauritiana



liklik mak (laip): 20 cm
(drai): 8 cm

White teatfish

Holothuria fuscogilva




liklik mak (laip): 35 cm
(drai): 15 cm



Pislama liklik mak

Pislama we prais moni i tambolo¹

Amberfish
Thelenota anax



liklik mak (laip): 20 cm
(drai): 10 cm

Brown sandfish
Bohadschia vitiensis



liklik mak (laip): 20 cm
(drai): 10 cm

Chalkfish
Bohadschia similis



liklik mak (laip): 25 cm
(drai): 7 cm

Deep-water redfish
Actinopyga echinites



liklik mak (laip): 25 cm
(drai): 15 cm



Elephant trunkfish

Holothuria fuscopunctata



liklik mak (laip): 45 cm
(drai): 15 cm

Lollyfish

Holothuria atra



liklik mak (laip): 30 cm
(drai): 15 cm

Pinkfish

Holothuria edulis



liklik mak (laip): 25 cm
(drai): 10 cm

Tigerfish

Bohadschia argus



liklik mak (laip): 20 cm
(drai): 10 cm

1. NFA ino putim yet mak blong dispela ol tripela kain pislama

Dragonfish (*Stichopus horrens*)



Flowerfish
(*Pearsonothuria graeffei*)




Snakefish (*Holothuria coluber*)




Pel oista

(Bilak lip na gol lip)

Pinctada margaritifera na *Pinctada maxima*



Bilaklip pel oista
Pinctada margaritifera



Gol lip pel oista
Pinctada maxima

Bipo ol man meri i save kisim pel oista long yusim ol sel bilong ol long wokim ol bilas bilong ol na tu ol i save wokim huk bilong pulim pis. Tete igat ol fam we ol i save growim ol pel oista long kisim ol pel bilong em. Pel oista i save stap long ol hap rip we i hait long bik solwara olsem ol basis. Ol i save stap aninit tasol long solwara igo daun inap 40 mita. Ol i save bikpela kwiktaim sapos solwara ol istap long en em i no das tumas na i klin.

Bilak lip pel oista (*Pinctada margaritifera*) na gol lip pel oista (*Pinctada maxima*) inap long karim pikinini taim ol i kisim 2 pela krismas. Long dispela taim longpela bilong sel bilong bilak lip pel oista i kisim 9 cm na longpela bilong sel bilong gol lip pel oista i kisim 13 cm. Ol isave kamapim pikinini planti taim long wanpela yia sapos solwara i gutpela, tasol gutpela taim tru em long mun Ogus igo inap long mun Desemba o krismas.



Bilak Lip na Gol Lip Pel Oista Menesmen Lo

Ol tambu long pasin bilong wok bisnis na expotim ol sel bilong bilak lip na gol lip pel oista istap long wan-pela pepa blong gavman ol i kolim long Nesenel Gezet namba G57 (Epril 2002). Siaman bilong nesenel pis-eris bod i tokaut long ol dispela tambu.

Ol mak we itambu long kisim bilak lip na gol lip pel oista sel:

- Itambu long kisim, salim, wok bisnis na expotim ol bilak lip oista sel we mak bilong en ino abrusim yet 9 cm (lukim piksa).
- Itambu long kisim, salim, wok bisnis na expotim ol gol lip oista sel we mak bilong en ino abrusim yet 13 cm o abrusim pinis 23 cm igo antap (lukim piksa).

Ol narapela lo


- Itambu tru long kisim ol sedentri¹ enimal, olsem bilak lip na gol lip pel oista long nite wantaim sutlam, lam bensin na galas wantaim ges botol.
- Husat i wok bisnis long pel oista (bilak lip na gol lip) i mas gat laisens NFA i givim long tok oraitim ol long baim na expotim oista sel. Ol kampeni na bisnis bilong ol manmeri bilong PNG tasol inap kisim laisens bilong baim na expotim pel oista sel. Na wanwan provins igat mak long hamas laisens ol i ken holim. NFA i ken pinisim na kisim bek laisens sapos papa blong ol laisens i no bihainim ol dispela lo.

1. Sedentri enimal olsem pel oista, pidama, sampela kain rip o kambang na lalai, em ol enimal bilong solwara we ol ino nap wokobaut o i save wokobaut isi tru.



Lalai

Trochus niloticus



10

Ol i save kisim lalai long wanem ol sel bilong ol i ken kisim gutpela moni. Ol dispela sel lalai ol i save yusim long wokim ol baten bilong ol kolos. Mit bilong en i gutpela tu long kaikai. Lalai em isi tru long kisim na yu ken kisim tasol long han na tu yu ken kisim planti tumas na pinisim kwiktaim. Olsem na long PNG igat tok lukaut blong lukautim ol.

Taim ol lalai i laik kamapim pikinini, man lalai i save rausim wara bilong em na meri tu i save rausim kiau bilong en insait long hap solwara ol i stap long en, long wanpela taim tasol. Meri lalai i ken kamapim wan milion kiau long taim em ilaik kamapim pikinini. Ol kiau i save tirip long solwara long 3 pela dei igo long 10 pela dei. Long dispela taim ol i save kamap bikpela. Long ol dispela 1 milion kiau, 100 o liklik namba tasol bai kamap bikpela lalai. Ol-geta bai dai o pis bai kaikaim ol.

Lalai i save kamapim ol pikinini taim mak bilong em i kisim 6 cm. Ol isave makim dispela mak long maus bilong sel o hap we ai bilong em i stap (lukim piksa). Long givim lalai sans long kamapim pikinini wanpela taim, PNG pis-eris lo itambuim ol lalai we mak bilong ol ino abrusim yet 8 cm. Taim bai ol i kamap 3 pela o 4 pela krismas bai ol i kisim dispela mak, 8 cm. Sapos yumi larim lalai i gro na



inap kisim dispela mak bai i gat planti lalai bai i ken stap long solwara long planti krismas na yumi tu ken kisim gut-pela moni ol taim ol taim. PNG piseris lo i tambuim tu ol bikpela lalai we mak bilong ol i kisim 12 cm na antap. As tingting bilong dispela em bai ol i ken stap na karim plan-ti pikinini na kamapim mo lalai.

Lalai Menesmen Lo

Ol tambu long pasin bilong wok bisnis na expotim ol lalai istap long wanpela pepa blong gavman ol i kolim long Nesenel Gezet namba G57 (Epril 2002). Siaman bilong nesenel piseris bod i tokaut long ol dispela tambu.

Ol mak we i tambu long kisim lalai

- I tambu long kisim, salim, wok bisnis na expo-tim ol lalai we mak bilong ol ino abrusim yet 8 cm na ol dispela we mak bilong ol i abrusim 12 cm igo antap.

Ol narapela lo


- I tambu long kisim ol sedentri enimal olsem lalai long nite wantaim sutlam, lam bensin na galas wantaim ges botol.
- Husat i wok bisnis long lalai i mas gat laisens NFA i givim long tok oraitim ol long baim na expotim lalai. Ol kampeni na bisnis bilong ol manmeri bilong PNG tasol inap kisim laisens bi-long baim na expotim lalai. Na wanwan provins igat mak long hamas laisens ol i ken holim. NFA i ken pinisim na kisim bek laisens sapos papa blong ol laisens i no bihainim ol dispela lo.

1. Sedentri enimal olsem pel oista, pislama, sampela kain rip o kambing na lalai, em ol enimal bilong solwara we ol ino nap wokobaut o i save wokobaut isi tru.



Talvung

Turbo marmoratus



12

Sel bilong talvung em i gutpela long wokim baten bilong siot na ol narapela kain bilas. Mit bilong en tu em i gutpela long kaikai.

Talvung isave gro isi tru na bai i nonap long kamapim pikinini inap long taim em igat 4 pela krismas bilong en na mak bilong en i kisim 15 cm (lukim piksa). Olsem na PNG pisesris lo i tambuim long kisim ol talvung we mak bilong ol ino abrusim yet 15 cm. Sapos yumi giving sans long ol liklik talvung i gro na kisim dispela mak bai ol inap long karim planti na tu yumi ken kisim gutpela moni taim yumi salim ol gutpela sel bilong ol. PNG piseris lo i tambuim tu ol talvung we mak bilong ol inap long 20 cm na abrusim igo antap. As tingting bilong dispela em olsem, bai ol dispela bikpela talvung bai ken stap na karim ol pikinini na kamapim planti planti mo talvung.

Taim talvung i laik kamapim pikinini ol man talvung i save rausim wara na ol meri tu i save rausim ol kiau bilong ol long wanpela taim tasol long hap solwara we ol istap. Wanpela meri talvung inap long kamapim olsem 2 pela o 3 pela milion kiau long taim em i laik kamapim pikinini. Taim em i rausim kiau, ol dispela kiau isave tirip igo long bikpela solwara we bihain long sampela taim ol i save kamap bikpela. Long ol dispela milion kiau liklik namba tasol i save kamap bek ken long rip na gro olsem talvung.



Talvung Menesmen Lo

Ol tok tambu long pasin bilong wok bisnis long baim na expotim sel bilong talvung, ol i tok kilia long en long wanpela pepa bilong gavman ol i kolim long Nesenel Gezet namba G57 (Epril 2002). Siaman bilong nesenel piseris bod i bin tokaut long ol dispela tambu.

Mak we itambu long kisim na salim talvung

- Itambu long painim, kisim na wok bisnis long ol talvung we bikpela bilong maus blong ol ino kisim yet 15 cm. Na tu, itambu long painim na kisim ol talvung we mak bilong maus bilong ol i aburusim pinis 20 cm.


Ol narapela lo

- Itambu tru long kisim ol sedentri' enimal olsem talvung long nite wantaim sutlam, lam bensin na galas wantaim ges botol.
- Husat i wok bisnis long ol talvung i mas gat laisens NFA i givim long tok oraitim ol long baim na expotim talvung sel. Ol kampeni na bisnis bilong ol manmeri bilong PNG tasol inap kisim laisens bilong baim na expotim talvung. Na wanwan provins igat mak long hamas laisens ol i ken holim. NFA i ken pinisim na kisim bek laisens sapos papa blong ol laisens i no bihainim ol dispela lo.

1. Sedentri enimal olsem pel oista, pislama, sampela kain rip o kambang na lalai, em ol enimal bilong solwara we ol ino nap wokobaut o i save wokobaut isi tru.



Kindam



1. mak long namel long tupela ai igo inap long tel
2. longpela blong sel long het, stat namel long tupela ai igo daun long pinis blong sel
3. Longpela blong tel

Insait long PNG, nambawan hap we wok bisnis na ex-potim ol kindam (*Panulirus ornatus*) i save kamap em long ol hap rip blong Tores Strait we NFA i putim tambu.

Kindam i save kamapim pikinini long olgeta mun long wanwan yia. Tasol gutpela taim tru we ol isave karim planti moa pikinini em long mun Oktoba igo long Febuari long niupela yia.

Bihain long ol i wokim pasin bilong kamapim pikinini wantaim ol man kindam, ol meri kindam i save karim kiau nabaut aninit long tel bilong ol inap long 3 pela o 4 pela wik, bihain long dispela taim ol i save rausim kiau bilong ol long bik solwara. Ol kiau i save tirip antap long solwara long 4 pela mun igo inap long 12 pela mun we ol i ken buruk na ol liklik kindam bai i gro. Bihain, liklik namba tasol long ol dispela tausen kiau we mama kindam i karim i save kamap bek ken long rip na kamap olsem bigpela kindam.



NFA iputim liklik skelmak long ol kindam, bai ol liklik kindam bai i mas igat sans long kamap bikpela na karim pikinini planti taim pastaim, bihain bai yumi ken kisim ol.

Kindam Menesmen Lo

I gat lo aninit long pasin wok bisnis na expotim ol kindam i stap aninit long Nesenel Kindam Piseris menesmen plen.

Mak we itambu long baim na expotim ol kindam: (lukim piksa long pes 16 na 17)

- I tambu long kisim na salim na expotim kindam we mak long tel bilong en ino kisim yet 10 cm, na mak long het igo daun long tel bilong en ino kisim yet 17.5 cm
- I tambu long kisim na salim na expotim ol kindam we hevi bilong tel ino winim yet 169 grem o hevi long het wantaim tel ino kisim 409 grem.
- I tambu long kisim silipa lobster long salim na expotim we mak bilong en ino kisim yet 5.2 cm.
- I tambu long kisim kindam taim ol i wok long karim kiau.


Ol narapela lo

- Husat i wok bisnis long ol kindam i mas gat laisens NFA i givim long tok oraitim ol long baim na expotim kindam. Ol kampeni na bisnis bilong ol man meri bilong PNG tasol inap kisim laisens bilong baim na expotim kindam. Na wanwan provins igat mak long hamas laisens ol i ken holim. NFA i ken pinisim na kisim bek laisens sapos papa blong ol laisens i no bihainim menesmen plen na lo blong kindam.
- Long sampela provins i tambu tu long galas wantaim botol ges long painim na kisim kindam. Yu mas sek wantaim opis blong Piseris long provins we yu stap.




Kindam liklik mak

16




Painted lobster
Panulirus versicolor




Long-legged lobster
Panulirus longipes






Scalloped lobster
Panulirus homarus



Ornate lobster
Panulirus ornatus




Silipa lobster




Baramandi

Lates calcarifer



18



Baramandi em i wanpela pis ol i save painim long ol mangoro wara, raun wara na bikpela wara long hap sait long Papua, olsem long Galf provins na Westen provins. Baramandi i save go karim pikinini long solwara na bihain igo bek ken long ol mangoro wara, raun wara na bikpela wara long stap na kamap bikpela. Taim em i liklik, baramandi isave kamap man pis pastaim na bihain taim em i gro bikpela em isave senis igo long meri baramandi . Taim dispela man baramandi i kamap 4 pela krismas em i redi long kamapim pikinini. Na taim ol i winim na abrusim 7 pela krismas sampela ol baramandi i senis go meri pis.

Long mun Oktoba na Novemba ol baramandi isave lusim bikpela wara na ol isave go long solwara long kamapim pikinini. Long dispela taim em isave isi tumas long painim na kisim ol long umben.



Baramandi Menesmen Lo

Mak we itambu long kisim baramandi

- Itambu long kisim na salim o expotim baramandi sapos longpela bilong em i no abrusim yet 36 cm.

TAC (total allowable catch)

- TAC bilong baramandi em ol i makim olsem 260 tan long wanwan yia, tasol sapos mak bilong ol-geta pis baramandi i abrusim 156 tan insait long wanpela yia, orait NFA baim skelim na makim nu-pela TAC.
- NFA bai i pasim na tambuim baramandi piseri sapos yumi winim o abrusim dispela TAC.

Ol narapela lo

- Itambu long ol bot na sip long painim na kisim baramandi sapos ol igat laisens blong karim pis tasol.

Mak we itambu long yusim ol santing bilong painim o netim pis

- I tambu long yusim gil net na net bilong pulim long nambis we hol bilong en i bikpela mo long 15 cm long kisim baramandi.
- Itambu long yusim ol gil net na ol net bilong pulim long nambis we mak bilong hol bilong ol i namel long 6.35 cm igo long 12.7 cm long namba 1 dei bilong mun Mas igo inap long namba 30 dei bilong mun Epril long niupela yia. Dispela em long larim bai ol liklik baramandi i kamap bikpela. Dispela tambu em i stat long ol solwara long ples Sui igo inap long boda mak bilong PNG na West Papua.
- I tambu long yusim ol gil net we mak bilong hol bilong ol i bikpela mo long 12.7 cm long namba 1 dei bilong mun Septemba igo inap long namba 31 dei bilong mun Oktoba. Dispela em long larim ol baramandi igo long solwara long kamapim pikinini. Dispela tambu i stat long ol solwara long ples Sui igo inap long ples Buzi.

Ol taim na ples we itambu long kisim ol baramandi

- I tambu long painim na kisim baramandi long salim na expotim long namba 1 dei bilong mun Oktoba igo inap long namba 30 dei bilong mun Novemba. Dispela tambu em long hap solwara long namel long ples Sigabaduru igo inap long boda blong PNG na West Papua.



Laip rip pis bisnis

Laip rip pis bisnis em i wanpela bisnis we ol i save painim na kisim pis na holim ol i laip na bihain salim igo long ovasis maket. Em i ken bringim bikpela moni ikam long ples, tasol em iken bringim tu bagarap ikam long envairomen blong rip na solwara blong yumi. Dispela ol bisnis i save kisim ol bikmaus taim ol i kam bung long wokim pikinini. Na tu sampela long ol isave yusim kain marasin ol i kolim long sainaid na ol narapela marasin long wokim ol pis i longlong nabaut na bai isi long kisim ol long han. Dispela em i nogut pasin long kisim pis na em bagarapim pinis ol rip long planti hap long Indonesia na Filipins. Dispela em bikpela wari long PNG. Dispela Laip Rip Pis bisnis i bin kamap long PNG olsem 1991, na go nambaut pinis long sampela hap long Manus, Central, Milne Bay, East New Britain, Bougainville na long New Ireland Provins.

20

Laip Rip Pis Menesmen Lo

Ol mak we i tambu long kisim ol laip rip pis

(lukim piksa long pes 22 igo inap pes 25)

- humphead Maori wrasse o matun (*Cheilinus undulatus*): 65 cm
- mangrove jack o mangoro jack (*Lutjanus argentimaculatus*): 40 cm
- Maori perch (*Lutjanus rivulatus*): 55 cm
- Moses perch o tasuan (*Lutjanus russellii*): 24 cm
- red emperor (*Lutjanus sebae*): 55 cm
- barramundi cod (*Cromilepes altivelis*): 40 cm
- flowery cod o bikmaus (*Epinephelus fuscoguttatus*): 55 cm
- camouflage grouper o bikmaus (*Epinephelus polyphekadion*): 37 cm
- squaretail coral trout o bikmaus (*Plectropomus areolatus*): 36 cm
- Chinese footballer trout o bikmaus (*Plectropomus laevis*): 60 cm
- leopard coral trout o bikmaus (*Plectropomus leopardus*): 36 cm
- highfin coral trout o bikmaus (*Plectropomus oligacanthus*): 36 cm



Ol pasin blong painim na kisim pis we NFA i putim tambu

- Rot o pasin blong painim na kisim ol pis blong laip rip pis bisnis, em long stiring wantaim huk tasol.
- Papa bilong laip rip pis bisnis laisens i mas gat banis pis we bikpela blong banis i mas inap olsem 3 mita x 3 mita x 4 mita, na tu dispela banis i noken abrusim 700 kilogrem long ol hevi bilong pis inap stap insait long en.
- Sapos yu laik muvim banis pis igo long menesmen hap we yu gat laisens long wok longen, yu mas kisim pepa pastaim long Managing Director we i tok orait long yu long wokim. Yu mas kisim dispela tok orait 14 pela dei bipo long yu ken muvim banis pis.
- I mas igat wanpela narapela banis tu yu mas wokim we yu mas putim ol pis ol igat sik longen, we ol pieris opisa i ken lukluk long ol na wokim sampela wok long painim aut wanem sik ol pis i kisim.


Ol narapela lo

- Ol kampeni na bisnis ol i wok bisnis long laip rip pis i mas i gat ol laisens NFA i givim long tok orait long wokim dispela wok. Ol dispela laisens em long expot, long lukautim pis long banis, bilong bot o sip i save karim pis, na laisens bilong storim ol pis.
- I tambu long painim, kisim na expotim pis we mak bilong ol istap ausait long menesmen plen.
- I tambu long go painim na hukim pis long hap we ol bigmaus i save bung long wokim pikinini.
- I tambu long go painim na hukim pis we ol turis isave go galas na lukluk long ol pis na ol narapela samting long rip.
- I tambu long go painim na hukim pis bilong laip rip pis bisnis long Tores Strait.
- Ol papa bilong rip o resos ownas tasol i ken i go painim na hukim pis bilong salim long laip rip pis bisnis.
- I tambu long yusim, holim na karim nabaut ol kain samting olsem dainamait, posin marasin blong kilim na wokim ol pis igo longlong na isi bai ol manmeri igo holim na kisim ol.
- I tambu long yusim ol samting olsem galas wantaim ges botol long kisim pis bilong laip rip pis bisnis
- NFA igat pawa long pasim o tambuim ol wok bilong laip rip pis bisnis long ol menesmen hap sapos em i skelim olsem namba bilong pis igo daun.




Ol mak we i tambu long kisim ol laip rip pis

Humphead Maori wrasse o matun
(*Cheilinus undulatus*)




22


Mangrove jack o mangoro jack
(*Lutjanus argentimaculatus*)




Maori perch
(*Lutjanus rivulatus*)




Moses perch o tasuan
(*Lutjanus russellii*)



Red emperor
(*Lutjanus sebae*)




Barramundi cod
(*Cromilepes altivelis*)




Ol mak we i tambu long kisim ol laip rip pis

Flowery cod o bikmaus
(*Epinephelus fuscoguttatus*)




24


Camouflage grouper o bikmaus
(*Epinephelus polyphekadion*)




Squaretail coral trout o bikmaus
(*Plectropomus areolatus*)




Chinese footballer trout o bikmaus
(*Plectropomus laevis*)



Leopard coral trout o bikmaus
(*Plectropomus leopardus*)



Highfin coral trout o bikmaus
(*Plectropomus oligacanthus*)



Ol pasin nogut bilong panim pis we NFA tambuim

- I tambu long painim na kisim pis wantaim dainamait
- I tambu long kilim pis wantaim ol posin rop na ol kain kain marasin we bai wokim pis i longlong.
- I tambu long painim na kisim pis long hap we ol i save bung long kamapim pikinini.

Fisheries Management Act (1998), Section 32, em i tok olsem; Piseris lo i putim tambu long yusim ol samting we iken bagarapim rip long taim yumi painim pis. I tambu tu long yusim dainamait, posin rop na ol narapela marasin olsem sainaid na sno wait o zikso. Lo itok olsem gavman o polis na piseris iken kalabusim bot sapos ol i painim i gat dainamait na ol kain marasin long posinim pis istap insait long em.

Sapos yu lukim sampela lain insait long komuniti i yusim dainamait na ol narapela marasin o posin rop bilong kisim pis, toktok long ol na skulim ol olsem dispela pasin ino gutpela pasin long painim pis. Tokim ol olsem ol dispela kain pasin i save bagarapim rip na ol pis, na ol narapela enimal bilong solwara. Sapos ol i bikhet orait tokim komuniti o ol manmeri long ples olsem dispela man em i bagarapim hap bilong painim pis. Tokim ol bikman na meri na holim wanpela miting long toktok long ol dispela kain rabis pasin. Dispela miting i mas painim sampela rot bilong tambuim dispela kain pasin nogut.



Asian Development Bank
i givim dinau moni igo long gapman blong PNG long ronim
Coastal Fisheries Management and Development Project





20 cm

15

10

5

0

